
Saksnr: 2021/6020-1
Saksbehandlar Svein Hågård
Dato: 02.03.2021

Til: Arbeidsmiljøutvalet og Administrasjonsutvalet

Frå: Fylkesrådmannen

Årsrapport frå varslingsutvalet for 2020

Varslingsutvalet er det øvste organet for handtering av varsling i Vestland fylkeskommune.

Etter drøftingar med tillitsvalde, oppnemnde fylkesrådmannen følgjande medlemmer til varslingsutvalet for 2020:

1. Leiar: Bjørn Erik Linde, seniorrådgjevar/jurist, Skyss
2. Adeline Landro, seniorrådgjevar, Fagskolen i Hordaland
3. Sjur Inge Veim, lektor, Fagskolen i Hordaland

Svein Hågård, seksjonssjef for juridiske tenester, utgjorde sekretariatet for utvalet.

I samsvar med arbeidsmiljølova § 2 A-6 har fylkesrådmannen utarbeidd ein varslingsrutine for fylkeskommunen. Rutinen er tilgjengeleg for alle tilsette i det digitale kvalitetssystemet på intranett. På førespurnad har varslingsutvalet i 2020 gitt innspel til HR-seksjonen med sikte på å revidere og forenkle varslingsrutinen. Utvalet har også bidrege til å forbetre fylkeskommunen sin digitale varslingskanal i kvalitetssystemet.

Fylkesrådmannen ønskjer primært at den som varslar skal nytte varslingskanalen i kvalitetssystemet, men varsel kan også setjast fram munnleg eller ved ordinær brevpost.

Varslingsutvalet mottok berre to varslings saker i 2020. I tillegg mottok utvalet ca. fem saker gjennom varslingskanalen i kvalitetssystemet, som i realiteten viste seg å vere avviksmeldingar og ikkje varsel. Desse vart omadressert til meldaren sin nærmaste leiar og vart handterte som avvik.

I begge dei to varslings sakene var varslarane anonyme. I den eine saka vart det varsla pr. brev til fylkeskommunen sitt postmottak, i den andre saka kom varselet pr. e-post. Éi av sakene avslutta varslingsutvalet i fjor, den andre vart med over til 2021.

1. I saka som vart avslutta i 2020, mottok varslingsutvalet tre ulike varsel, som alle dreiar seg om arbeidsmiljøproblematikk ved ein vidaregåande skule. Etter å ha undersøkt saka, bad varslingsutvalet linjeleiinga følgje opp dei omvarsla forholda.
2. Saka som ikkje var avslutta ved utgangen av 2020, dreiar seg om overordna styring og arbeidsmiljøproblematikk ved Tannhelsetenesta kompetansesenter, Tk Vestland. Fylkesrådmannen engasjerte PwC til å undersøkje dei faktiske tilhøva og gi ei tilråding til varslingsutvalet, som utvalet kunne nytte som grunnlag for sine konklusjonar. PwC sin rapport førelåg først i januar 2021.